

جریدہ علیہ

مشیت جلیلمہ اسلامیکہ جریدہ رسیہ سیدر

اوائل صفر ۱۳۳۳

عدو: ۸

آیدہ بر نشر اولنور

برجی سنہ

اردوودونمازك دشمنلره قارشى كوسترمكده اولدقلى آتار شجاعت و بسالت موروث اجداد اولان قهرمانلغك شو دقيقه مهمه ده تكرار جانلاندېغى كال فخر ايله تجلى ايتدير مكده در . مجلس مليمز بالمله مذاكرات و مقرراتنده عين حس وفاق و اتحاد ايله مشحون اوله رق بو آن مهم تاريخيده وظيفه سنى حسن ايفايه ساعى اوله جقدر .

محافظه حق و عدل ايچون سلاحه سارلمش اولان دولت عليه عثمانيه ايله دعوت جهاده اجابت ايليان مجاهد ين اسلاميه و معظم متفكر منر آلمانيا و آوستريا و مجارستان اردولرينه جناب حقل بخش نصرت و فتوحات ايله جكنه اعتقاد منر بر كالدر .

هيچ براساس حق و عدله مستند اوليان و موجوديت عهديه سى بيله قالميان عهد و عتيقه بك الغاسى مملكت ايچون محض خير و حكمت و شايان تجليل بر موفقيتدر .

دولتمزله مناسبات حسنه محافظه ايتمكده اولان دول معظمه و حكومات سائر و بالخاصه قومشومنر بلغارستان ايله روابط دوستانه مزك ادامه سى مجلس مزجه اقدم آمالدر .

هر حال و كارنده عون الهى يي پناه و روحانيت پيغمبرى يي مدد كاه اتخاذايدن مجلس اعلان سيورلمش اولان جهاد مباركى تقديس ايله مظهر توفيقات ربانيه اولملرى دعاسنى تكرار ايلر .

فتاوى شريفه

تلك :

زيد مسلم كتابيه اولان هند نصرانيه حريمه يي تزوج ايتك مع الكراهه صحيح اولور مى الجواب : اولور .

*

**

هندك زوجى زيد آخر دياره كيتد كد نصكره عمرو كلوب زيد فوت اولدى ديوهنده اخبار ايلسه عمرو عدل اولوب هند اينايحق بعد انقضاء العده نفسى آخره تزويجه قادره اولور مى الجواب : اولور .

*

**

هندك زوجى زيد آخر ديارده ايكن برقاج كسنه لر كلوب زيد فوت اولدى ديوهنده اخبار ايلسه لر هند اينايحق بعد انقضاء العده نفسى آخره تزويجه قادره اولور مى الجواب : اولور .

بوصورتده هند اینانوب بعد انقضاء العده نفسی عمروه تزویج ایتدکنصکره هندك
مخلهسی اهاالیسنندن برقاچ کمنهله بزیدك وفاتی ایشتمدك دیو هندی عمرودن تفریق
ایتدیرمه که قادر اولورلرمی الجواب : اولماز .

*
**

دارالحربده اسیر اولان زیدك زوجهسی هند نفسی عمروه تزویج ایلسه زید اسیرلکدن
خلاص اولوب کلدکه هندی عمرودن تفریق ایتدیرمه که قادر اولورلرمی الجواب : اولور .

*
**

طلاق :

زید زوجه مدخول بهاسی هندی طلاق رجعیله تطلیق ایتدکنصکره طلاق اخیر
اولمایحق زید هنده عدتی ایچنده مراجعت ایدوب تجدید نکاح ایتدین هند ایله ازواج
معامله سنه قادر اولورلرمی الجواب : اولور .

*
**

زید « فلان فعلی ایشارسم زوجهم هند اوچ طلاق بوش اولسون » دیدکنصکره زید
اول فعلی ایلسه هند زیددن اوچ طلاق بوش اولورلرمی الجواب : اولور .

*
**

جنون مطبق ایله مجنون اولان زید زوجهسی هندی اوچ طلاق ایله تطلیق ایلسه
طلاق واقع اولورلرمی الجواب : اولماز .

*
**

هندك زوجی زیده « عورتك وارمیدر » دینلده زید « یوقدر » دیسه مجرد بویله دیمکه
هند بوش اولورلرمی الجواب : اولماز .

*
**

زید زوجه مدخول بهاسی هنده « بوش اول » دیسه طلاق اخیر اولمایحق زید هنده
عدتی ایچنده مراجعت ایدوب تجدید نکاح ایتدین هند ایله ازواج معامله سنه قادر اولورلرمی
الجواب : اولور .

*
**

بربلده اهاالیسنندن هندك زوجی زید آخر دیاره کیتدکنصکره عمرو و بکر اول

دیاردن کلوب «زید سنی باینآ تطلیق ایلدی» دیو هنده اخبار ایتلملیه هند اینانوب بعد انقضاء العده نفسی بشره تزویج ایلسه بلده مزبور قاضیسی مجرد طلاق بم حضورمده ثابت اولدی دیو خصم یوغیکن هندی بشردن تفریقہ قادر اولورمی الجواب : اولماز .

*
**

زید زوجی هندعقیفه «زانیه» دیوقذف ایتمکه هند زیدی موجب ایله مطالبه ایدوب شرائط لعان موجوده اولمغله لعان تکلیف اولندقمه زید نفسی تکذیب ایتیوب لعاندن ابا ایتماکله وجه شرعی اوزره تلاعن ایتدکرنده قاضی هندی زیددن تفریق ایلسه هند زیددن مبانه اولورمی الجواب : اولور .

بو صورتده هندك عدتی منقضیه اولنجیه قدر نفقهسی زید اوزرینه لازمه اولورمی الجواب : اولور .

*
**

عدت :

زید سن ایسه داخله اولوب حیضدن کیلان زوجه مدخول بهاسی هندی تطلیق ایلسه هندك عدتی اوچ آی مرورنده منقضیه اولورمی الجواب : اولور .

*
**

زید ذات حیض اولان زوجه مدخول بهاسی هند شابهی اوچ طلاق ایله تطلیق ایلسه هندك عدتی اوچ حیض ایله منقضیه اولورمی الجواب : اولور .

*
**

حضانة :

هند زوج مطلق زیددن اولان قزی زینب صغیره بی بحق الحضانة تربیه اوزره ایکن نفسی صغیره اجنبی اولان عمروه تزویج ایدوب صغیره نك نسواندن حاضنة اخراسی اولماغله زید زینبی هنددن المی ایستدکده هند زینبی بن بلا نفقه بسلم دیمکه زید زینبی هنددن المایوب بعده عمرو هندی باینآ تطلیق ایلسه زینبک مالی اولماغله هند زینب ایچون زید اوزرینه حاکمه قدر معروف نفقه تقدیر ایتدیروب مشتهاة اولنجیه قدر بحق

الحضانه امساك ايتمك استدكده زيد مجرد بلا نفقه بسلام ديمكده « نفقه سز بسله والا زيني سندن الورم » ديمكده قادر اولورمى الجواب : اولماز .

*
**

نفقه :

زيدك زوجه سى هند زيدك منزلنده زيددن اذلسز بغير حق خروج ايدوب بر مدت باباسى عمروك منزلنده ناشزه ساكنه اولسه هند اول مدته نفقه يه مستحقه اولورمى الجواب : اولماز .

*
**

اوٹ :

هند فوت اولوب زوجى زيدى ولام قرنداشى زيني ترك ايتدكده تركه هند مزبورلره سويآ ويرلسه صحيح اولورمى الجواب : اولور .

*
**

زيد فوت اولوب آنجق لابوين ارقنداشى اوغلى عمروى ترك ايتدكده عمرو تركه زيدى احرازه قادر اولورمى الجواب : اولور .

بو صورتده زيدك لابوين ارقنداشى قزلى دخى زيده وارثه اولورلمى الجواب : اولمازلر .

*
**

هند فوت اولوب زوجى زيدى و لابوين خاله سى اوغلى عمروى ترك ايتدكده تركه هند مزبورلره سويآ ويرلسه صحيح اولورمى الجواب : اولور .

*
**

زيد هندى شو قدر آچمه مهر تسميه سييله تزوج ايتدكده نصكره هند فوت اولوب زيدى وسائر ورثه سنى ترك ايلسه سائر ورثه مهر مزبوردن حصه ليرنى زيددن المغه قادر اولورلمى الجواب : اولورلر .

*
**

زيد هند حريمه زنا ايدوب هند زنادن بربولد كتوردكده زيد اول ولد زنادن حاصل

اوغلمدر دیو اقرار ایدوب بعده فوت اولسه اول ولد زیده وارث اولورمی الجواب :
اولماز .

*
**

هند فوت اولوب آنحق باباسنك لابوين عمی اوغلنك اوغلی زیدی ترك ایتدكده زید
ترکه هندی احرازه قادر اولورمی الجواب : اولور .

بوصورتنده هندك باباسنك لابوين عمی اوغلنك قزلی وباباسنك لابوين عمی اوغلنك
اولادی دخی هنده وارث اولورلرمی الجواب : اولمازلر .

*
**

هند معتقه فوت اولوب آنحق کندوی آزاد ایدن زینك لابوين اقرنداشی زیدی
ترك ایتدكده زید ترکه هندی احرازه قادر اولورمی الجواب : اولور .

*
**

زید زوجه سی هندی باینأ تطلیق ایتدكدنسكره عدتی ایچنده هند فوت اولسه زید
هنده وارث اولورمی الجواب : اولماز .

*
**

هند فوت اولوب لام قرندهاشی قزلی زینب وخدیجیهی ترك ایتدكده ترکه هند
مزبورلره سویأ ویرلسه صحیح اولورمی الجواب : اولور .

بوصورتنده هندك لابوين عمی قزی دخی هنده وارثه اولورمی الجواب : اولماز .

*
**

هند فوت اولوب اناسی زینبی ولابوين عمی اوغللری زید وعمروی ترك ایتدكده
ترکه هند مزبورلره سویأ ویرلسه صحیح اولورمی الجواب : اولور .

یو صورتده هندك باباسنك اناسی دخی هنده وارثه اولورمی الجواب : اولماز .

*
**

زید زوجهٔ مدخول بهاسی هندی طلاق رجعی ایله تطلق ایدوب بعده هندك عدتی
ایچنده زید فوت اولسه هندزیده وارثه اولورمی الجواب : اولور .

*
**

نامراز فوت اولوب لایون ارقنداشی اوغللری ناشد وقره کینی ترك ایتدکده
نامرازك تركه سی مزبورلره سویاً ویرلسه صحیح اولورمی الجواب : اولور .
بوصورته نامرازك قزینك اوغلی ولایون ارقنداشی قزلری دخی نامرازه وارث
اولورلری الجواب : اولمازلر

*
**

زید فوت اولوب انجق اوغلی عمروی ترك ایتدکده عمرو تركه زیدی احرازه قادر
اولورمی الجواب : اولور .

بوصورته زیدك اوغلنك اولادی دخی زیده وارث اولورمی الجواب : اولمازلر .

*
**

وقف :

بروقفك مشروطیت اوزره متولسی اولان زیدك مال وقفه خیاتی ثابته اولسه
حاکم زیدی عزل ایدوب یرینه بر مستقیم کسنه نی متولی نصب ایتمه که قادر اولورمی
الجواب : اولور .

*
**

بروقفه مشروطیت اوزره متولی اولان زیدك محاسبه سی کورمك لازم اولمغله حاکم زیدك
محاسبه سی کورمك ایتدکده زید بن مشروطیت اوزره متولی اولمغله محاسبه سی کوردرم
دیو امتناعه قادر اولورمی الجواب : اولمازلر .

*
**

زید متولسی اولدینی وقف منزلك عرصه سی اوزرینه مالیه بنا احداث ایتدکده
نفسی چون بنا ایتدیکنه اشهاد ایتوب بیان ایلماسه حالا زید نفسم ایچون بنا ایتشدیم
دیوب اول بنائی ملکیت اوزره ضبطه قادر اولورمی الجواب : اولمازلر .

*
**

زید بر وقف عرصه اوزرینه متولی اذتنسز مالیه منزل بنا ایتدکده وقف ایچون
یا نفسیچون بنا ایتدیکنی بیان ایلمسه اول بنا مستحق القلع اولدینی حالده زیدک ملکی
اولورمی الجواب : اولور .

*
**

زید بر وقف عرصه اوزرینه اذن متولی وکندی مالیه نفسیچون بنا احدث ایلسه
اول بنا زیدک ملکی اولورمی الجواب : اولور .

*
**

معتوه اولان زید اجارتین ایله تصرفده اولان وقف منزلی مجاناً عمروه فراغ ایلسه
فراغ مزبور معتبر اولورمی الجواب : اولماز .

*
**

هیه :
هند معتوه شو قدر املاکی زیده هیه وتسلیم ایلسه هیه مزبوره صحیحه اولورمی
الجواب : اولماز .

*
**

هند شو قدر اشیاسنی کیر اوغلی زیده هیه ایدوب بعده تسلیم وقبض بولمیدن زید
فوت اولسه هیه مزبوره باطله اولورمی الجواب : اولور .

*
**

زید شو قدر اشیاسنی متوفی اوغلنک اوغلی اولوب وصی مختاری اولمیان عمروه صغیره
هیه واعلام واثهاد ایتدکنصکره زید نادم اولوب هیه مستندن رجوعه قادر اولورمی
الجواب : اولماز .

*
**

زید یرلری ارض میزی وبنالری ملک اولان ذکرمن وچفتلک منزلی یرلرینی اوغلی
عمروه گیره اذن صاحب ارضله فراغ ایتمیدن بنالرینی عمروه هیه وتسلیم ایلسه هیه مزبوره
صحیحه اولورمی الجواب : اولور .

*
**

امر:

زید عمروك بر مصالحتنه عمروك بشرط الرجوع امريله كندی مالندن قدر معروف شو قدر اچقه صرف ایلسه زید مصروفنی عمرودن آلمغه قادر اولورمی الجواب: اولور.

*
**

هند زوجی زیده مصارف یتیه صرف ایله دیو شو قدر اچقه و یروب زید مبلغ مزبور می مصارف یتیه صرف ایتد کدنصکره هند فوت اولوب زیدی وسائر ورثه سنی ترك ایلسه سائر ورثه مبلغ مزبور دن حصه لرینی زیده تضمینه قادر اولورلرمی الجواب: اولور لر.

*
**

مفقود:

زید موقع حربده اعدا ایله محاربه ایتد کدنصکره مفقود اولوب حیات و مماتی معلوم اولماسه زیدک مماتی غالب ظن اوله جق مرتبه مدت مرور ندنصکره موتیه حکم اولنق صحیح اولورمی الجواب: اولور.

بوصورتده زیدک موتنه حکمک لحو قندنصکره زوجیه سی هند بعد انقضاء العده نفسنی آخره تزویج و ورثه سی ترکه سنی مسئله میراثلری وجهله تقسیم ایتمه قادر اولورلرمی الجواب: اولور لر.

*
**

شق:

زید قزی هند بکر بالغه یی نفسنه ضم ایدوب حفظ ایتک استد کده هند راضیه اولیوب بن بالغه اولدم بعد الیوم دیلدیکم یرده ساکنه اولورم دیمکه قادره اولورمی الجواب: اولماز.

*
**

کتابی اولوب شرائط ذیحی صراعی اولان زید نصرانینک ذیحیه سی جلال اولورمی الجواب: اولور.

*
**

هند برولد طوغوردقده ولد مزبورك فرجی و ذكری اولوب لكن ذكردن تبول
ایدوب فرجندن تبول ایلماسه ولد مزبور دیشی اولیوب اركك اولورمی الجواب : اولور .

*
**

اراضی، فراغ :

زید اراضی* امیریه دن طابو ایله تصرفده اولان تارلای شوقدر آچه بدل مقبوض
مقابله سنده عمروه فراغ و تسلیم ایدوب لكن اذن صاحب ارض بولماسه فراغ مزبور
معتبر اولورمی الجواب : اولماز .

بوصورتده زید بدل مرقومی عمروه رد ایدوب اول تارلای عمرودن المق ایستدکه
عمرو فراغ مزبوره بناء زیدی منه قادر اولورمی الجواب : اولماز .

*
**

اراضی، انتقال :

زید بیک ایکوز سکسان درت سنه سی محرمک اون یدنجی کونی تاریخی فرمان
عالینک صدورندن مؤخر و بیک اوچیوز اوتوز برسنه سی ربیع الاولنک یکرمی یدنجی
کونی تاریخی فرمان عالینک نشرندن مقدم اراضی* امیریه دن برترلایه طابو ایله متصرف
ایکن فوت اولوب اصحاب انتقالدن آنجق زوجیه سی هندى ترك ایتدکه هند بر موجب
امر سلطانی اول تارلانک خرج انتقالی و یروب بلا بدل ضبط ایتک استدکه زیدک
قرنداشی اولادی بز دخی اول تارلادن حصه آلورز دیمکه قادر اولورلرمی الجواب :
اولمازلر .

*
**

زید بیک ایکوز سکسان درت سنه سی محرمک اون یدنجی کونی تاریخی فرمان
عالینک صدورندن مؤخر و بیک اوچیوز اوتوز بر سنه سی ربیع الاولنک یکرمی یدنجی
کونی تاریخی فرمان عالینک نشرندن مقدم اراضی* امیریه دن بر تارلایه طابو ایله متصرف
ایکن فوت اولوب اصحاب انتقالدن درجه ده مقدم آنجق قزلی هند وزینى ترك ایتدکه
مزبورلر بر موجب امر سلطانی اول تارلانک خرج انتقالی و یروب بلا بدل ضبط ایتک

ایستدکلرنده زیدک زوجہسی اول تارلاده مزبورلره مشارکتہ قادره اولورمی الجواب :
اولماز .

*
**

زید بیک ایکوز سکسان درت سنہسی محرمک اون یدنجی کونی تاریخی فرمان
عالینک صدورندن مؤخر و بیک اوچوز اوتوز بر سنہسی ربیع الاولک یکرمی یدنجی
کونی تاریخی فرمان عالینک نشرندن مقدم اراضی امیریہدن بر تارلایہ طاپو ایله متصرف
ایکن فوت اولوب اصحاب انتقالدن درجہده مقدم انجق لابون ارقنداشی عمروی
وزوجہسی ہندی ترک ایتدکده مزبورلر بموجب امر سلطانی اول تارلانک خرج انتقالی
ویروب ثلثہ ارباعنی عمرو و بر ربعی ہند بلا بدل ضبط ایتک ایستدکلرنده زیدک لابون
قز قزنداشلری اول تارلاده مزبورلره مشارکتہ قادره اولورلری الجواب : اولمازلر .

*
**

زید بیک ایکوز سکسان درت سنہسی محرمک اون یدنجی کونی تاریخی فرمان عالینک
صدورندن مؤخر و بیک اوچوز اوتوز بر سنہسی ربیع الاولک یکرمی یدنجی کونی
تاریخی فرمان عالینک نشرندن مقدم اراضی امیریہدن بر تارلایہ طاپو ایله متصرف ایکن
فوت اولوب انجق اوغللری عمرو و بکری و قزی ہندی و کندودن مقدم فوت اولان
اوغلی بشرک اوغللری خالد و ولیدی و بشرک قزلی زینب و خدیجہی ترک ایتدکده
مزبورلر بموجب امر سلطانی اول تارلانک خرج انتقالی ویروب ثلثہ ارباعنی عمرو
و بکر و ہند و بر ربعی خالد و ولید و زینب و خدیجہ بلا بدل سوباً ضبطہ قادر اولورلری
الجواب : اولورلر .

